

জাল তথ্য প্রদান করার শাস্তি

কোনো ভিসা কেস এ, যে কোনো ধরনের জালিয়াতি তথ্য প্রদানের পরিনতি খুবই ভয়ানক। এতে করে যুক্তরাষ্ট্রে আপনি যে অভিবাসনের সুবিধা ভোগ করতে চাচ্ছেন, তা আপনি হারিয়ে ফেলবেন এবং সারা জীবনের জন্য যুক্তরাষ্ট্রে প্রবেশ করার নিষেধাঙ্গা আপনার উপর জারি হতে পারে। আমরা যে কোনো ধরনের জালিয়াতি কেস খুব সতর্কতার সাথে দেখি। যখনি কোনো কেসের ব্যাপারে আমাদের সন্দেহ হয়, আমাদের কনসুলার তদন্তকারী অথবা পুলিশের সাহায্যে আমরা পৃথকভাবে সেই কেস গুলোর তদন্ত করে থাকি।

আবেদনকারীরা আমাদের বলে থাকে যে তারা এই ধরনের জালিয়াতি সম্পাদন করে থাকে কারণ এম্বাসির বাহিরের কেও একজন আবেদনকারীদেরকে বলে যে তাদের কাছে বিশেষ একটি কাগজ নেই, যা সাফাত্কারের জন্য খুবই প্রয়োজন, এবং কিছু টাকার বিনিময়ে এটা যোগার করা সম্ভব। দয়া করে এই সব লোকদের কথা শুনবেন না। আপনার কাছে যদি কোনো দরকারী কাগজ না থাকে, তাহলে সাফাত্কারের সময় আমরাই বলে দিব যে আপনার কাছে কোন কাগজটি নেই এবং কিভাবে সঠিক কাগজটি আপনি যোগার করতে পারবেন।

আরো কিছু আবেদনকারীরা আমাদের বলে থাকে যে তারা এই ধরনের জালিয়াতি সম্পাদন করে থাকে কারণ তারা তাদের পরিবারকে একত্র করতে চায়। আবেদনকারীরা বলে থাকে যে এম্বাসির বাহিরের কিছু মানুষ তাদেরকে বলে তারা কিছু কাগজপত্র যোগার করে দিতে পারবে যা দিয়ে এম্বাসির লোকজন কে সহজেই বোকা বানানো যাবে। দয়া করে এই সব লোকদের কথা শুনবেন না। আপনারা যদি আমাদেরকে জাল কাগজপত্র প্রদান করেন, তাহলে আপনার পরিবার সারা জীবনের জন্য যুক্তরাষ্ট্রে যেতে পারবে না।

নিচে বিভিন্ন ধরনের পরিবার ভিত্তিক ভিসা সম্পর্কে বলা আছে যা পরিবারদের একত্রিত করে:

F1: আমেরিকান নাগরিকদের অবিবাহিত ছেলে/মেয়েদের জন্য, এবং তাদের একুশ বছরের কম বয়সী সন্তানদের জন্য

F2A: এলপিআরদের (গ্রীন কার্ড হোল্ডারদের) স্ত্রী বা স্বামী এবং তাদের একুশ বছরের কম বয়সী সন্তানদের জন্য

F2B: এলপিআরদের (গ্রীন কার্ড হোল্ডারদের)অবিবাহিত ছেলে/মেয়েদের জন্য (যারা একুশ বছরের অধিক বয়সী)

F3: আমেরিকান নাগরিকদের পুত্র বা কন্যা, তাদের স্ত্রী বা স্বামী এবং তাদের একুশ বছরের কম বয়সী সন্তানদের জন্য

F4: আমেরিকান নাগরিকদের ভাই/বোন, তাদের স্ত্রী বা স্বামী এবং তাদের একুশ বছরের কম বয়সী সন্তানদের জন্য। এক্ষেত্রে আমেরিকান নাগরিককে অন্তত একুশ বছর হতে হবে।

দয়া করে আপনার পরিবারের যুক্তরাষ্ট্রে অভিবাসনের সুযোগটি ঝুঁকিতে আনবেন না আপনার ভিসা সাফাত্কারে কোনো ধরনের জালিয়াতি প্রদান করে।

সাফাত্কারের সময় আপনি যদি মনে করেন কোনো ভুল তথ্য প্রদান করেছেন তা ততক্ষণাত কনসুলার অফিসার কে জানান। আপনাকে কোনো ধরনের শাস্তি দেওয়া হবে না যদি আপনি সঠিক তথ্য সাফাত্কারের সময় প্রদান করেন।

বাংলাদেশে অভিবাসন ভিসার ক্ষেত্রে সাধারণত তিন ধরনের জালিয়াতি বা প্রতারণার কেস দেখা যায়:

১. বয়স সংক্রান্ত জালিয়াতি
২. সম্পর্ক বিষয়ক জালিয়াতি
৩. চাকুরী সংক্রান্ত জালিয়াতি

বয়স সংক্রান্ত জালিয়াতি:

বয়স সংক্রান্ত জালিয়াতি: বয়স সংক্রান্ত জালিয়াতি বলতে বোঝায় যখন কেউ ভিসা বা অন্য কোনো অভিবাসন সুবিধা পাবার জন্য নিজের প্রকৃত বয়স গোপন করে ভিন্ন কোনো বয়স দাবি করে। দাবিকৃত বয়সের সমর্থনে মিথ্যা তথ্য সম্বলিত বৈধ কাগজ বা দলিল সরবরাহ করাকে বয়স বিষয়ক জালিয়াতি হিসেবে বিবেচনা করা হয়। যে সকল কেসের ক্ষেত্রে আমরা

মনে করি যে সেটি বয়স সংক্রান্ত জালিয়াতির সাথে জড়িত - সেগুলি আমরা পুনখানুপুনখরুপে তদন্ত করি। যদি জালিয়াতি ধরা পরে সেক্ষেত্রে আবেদনকারীকে সবসময়ের জন্য যুক্তরাষ্ট্রে ভ্রমণ করার জন্য অযোগ্য ঘোষণা করা হতে পারে। যদি কোনো আবেদনকারী অন্য কারো সম্পর্কে মিথ্যা তথ্য বা জল কাগজপত্র সরবরাহ করে, এমনকি নিজের পরিবারের কোনো সদস্য সম্পর্কে - তাকে অভিবাসন সুবিধা লাভে সাহায্য করার জন্য যা সে যুক্তরাষ্ট্রের আইন অনুযায়ী পাবার যোগ্য নয়- তখন সেই আবেদনকারীকে মানব পাচারকারী হিসেবে বিবেচনা করা হয়। মানুষ পাচার যুক্তরাষ্ট্রের আইন অনুযায়ী একটি বড় ধরনের অপরাধ বা লঙ্ঘন। এর মাধ্যমে কোনো ব্যক্তি ভিসার জন্য অযোগ্য হয়ে যেতে পারে।

সম্পর্ক বিষয়ক জালিয়াতি:

সম্পর্ক বিষয়ক জালিয়াতি বলতে বোঝায় যখন ভিসা বা অন্যান্য অভিবাসী সুবিধা পাবার জন্য অন্য কারো সাথে পারিবারিক সম্পর্ক আছে বলে দাবি করা হয়, যেমন কারো স্বামী/স্ত্রী বা সন্তান বা ভাই বা বোন বা পিতা/মাতা অথবা অন্য কারো সাথে সম্পর্ক দাবি করা। কখনো পিটিশনাররা মিথ্যা দাবি করতে পারে যে আবেদনকারীর সাথে তিনি বিবাহিত অথবা বিয়ের জন্য চুক্তিবদ্ধ কিন্তু বাস্তবে তারা আসলে অন্য কারো সাথে বিবাহিত। আবার কখন কেউ দাবি করতে পারে যে সন্তানগুলো তাদের নিজেদের কিন্তু সত্যিকার অর্থে তারা হয়ত অন্য কারো সন্তান। যদি আবেদনকারীর দাবিকৃত সম্পর্ক মিথ্যা প্রমাণিত হয়, সেক্ষেত্রে আবেদনকারী যুক্তরাষ্ট্রে প্রবেশের জন্য বহু বছরের জন্য অযোগ্য হতে পারে অথবা আজীবনের জন্য নিষিদ্ধ ঘোষিত হতে পারে।

চাকুরী সংক্রান্ত জালিয়াতি:

চাকুরী সংক্রান্ত জালিয়াতি বলতে বোঝায় যখন কেউ যুক্তরাষ্ট্রে তার জন্য পিটিশন করা কোনো পদের জন্য তার প্রয়োজনীয় যোগ্যতা আছে বলে দাবি করে এবং তার সমর্থনে মিথ্যা কাগজপত্র সরবরাহ করে। এছাড়াও যুক্তরাষ্ট্রভিত্তিক ব্যবসা প্রতিষ্ঠানও অনেক ক্ষেত্রে মিথ্যা উদ্বেগ উপস্থাপন করে থাকে।

যদি কেউ ওপরে উল্লেখিত যে কোনো ধরনের প্রতারণামূলক কার্যসম্পাদন করে তাকে যুক্তরাষ্ট্রের অভিবাসন ও জাতীয়তা আইন অনুসারে নিম্নোক্ত ধারায় অযোগ্য ঘোষণা করা হতে পারে।

212(a)(6)(E): এটি একটি চিরস্থায়ী অযোগ্যতা। এটি কোনো ব্যক্তির জন্য প্রযোজ্য হবে যদি সে কোনো সময় অন্য কোনো ব্যক্তিকে যুক্তরাষ্ট্রের আইন লঙ্ঘন করে যুক্তরাষ্ট্রে প্রবেশের জন্য জেনেশুনে উত্সাহিত, প্রবর্তিত, সাহায্য, সহায়তা অথবা উপকার করেছে।

212(a)(6)(C): এটি একটি চিরস্থায়ী অযোগ্যতা। এটি সে ব্যক্তির জন্য প্রযোজ্য হবে যে ভিসা বা অন্য কোনো অভিবাসন সুবিধা লাভের জন্য ইচ্ছাকৃতভাবে গুরুত্বপূর্ণ তথ্যের মিথ্যা বিবরণ দেয় অথবা ভিসা পাবার জন্য প্রসঙ্গিক কোনো বিষয় গোপন করে।

কিছু ক্ষেত্রে, সব ক্ষেত্রে নয়, এই সব ভিসা অযোগ্যতার জন্য শর্ত মওকুফের আবেদন করার সুযোগ রয়েছে। এই বিষয়ে বিস্তারিত জানতে শর্ত মওকুফের পরিচ্ছেদ দেখতে পারেন।